



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-14-21588-3/19  
Sarajevo, 31.12.2019. godine

Na osnovu člana 6. stav 2. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12-Ispravka, 37/13 i 16/14) člana 12. stav 2. Pravilnika o kriterijima za finansiranje/sufinansiranje programa i projekata neprofitnih organizacija i udruženja („Službene novine Kantona Sarajevo“, broj 17/14), Zaključka Vlade Kantona Sarajevo broj: 02-05-41151-25/19 od 21.11.2019. godine, Zaključka Vlade Kantona Sarajevo o preraspodjeli sredstava u Budžetu Kantona Sarajevo za 2019. godinu broj 02-05-44959-1.1/19 od 30.12.2019. godine i člana 4. i 22. Zakona o izvršavanju Budžeta Kantona Sarajevo za 2019. godinu („Službene novine Kantona Sarajevo“, broj 6/19 i 26/19) ministar za boračka pitanja donosi:

### **ODLUKU**

#### **o odobravanju sredstava za sufinansiranja kupovine specijalnog vozila za potrebe Udruženja ratnih vojnih invalida Kantona Sarajevo**

1. **Odobravaju se Udruženju ratnih vojnih invalida paraplegičara Kantona Sarajevo (u daljnjem tekstu: Udruženje) sredstva u ukupnom iznosu od 20.000,00 KM, kao sufinansiranje kupovine specijalnog vozila za potrebe Udruženja ratnih vojnih invalida Kantona Sarajevo.**
2. Sredstva iz tačke 1. su **Ministarstvu za boračka pitanja Kantona Sarajevo** preraspodijeljena od strane **Ministarstva za rad socijalnu politiku, raseljena lica i izbjeglice Kantona Sarajevo**, u okviru preraspodjele sredstava u Budžetu Kantona Sarajevo za 2019. godinu koju je svojim Zaključkom broj 02-05-44959-1.1/19 od 30.12.2019. godine donijela Vlada Kantona Sarajevo.
3. Sredstva iz tačke 1. ove odluke terete poziciju **Ministarstva za boračka pitanja Kantona Sarajevo, razdjel 13, glava 01, potrošačka jedinica 0001, ekonomski kod 614300 DAN027 “Udruženja građana - boračka udruženja finansiranje/sufinansiranje programa i projekata”** i doznačit će se na račun Udruženja ratnih vojnih invalida paraplegičara Kantona Sarajevo.
4. Sredstva iz tačke 1. odluke se doznačavaju nakon potpisivanja ugovora o namjenskom utrošku sredstava i Udruženje ih je dužno utrošiti u skladu sa ovom Odlukom, potpisanim ugovorom, te u skladu sa važećim zakonskim propisima.
5. Udruženje je dužno odobrena sredstva po projektu iskoristiti namjenski i u skladu kandidovanim projektom, uz pridržavanje važećih propisa.

6. Udruženje je obavezno nakon realizacije odobrenog projekta, a najkasnije u roku od 15 dana Ministarstvu za boračka pitanja dostaviti izvještaj o namjenskom utrošku sredstava. Izvještaj mora biti sveobuhvatan, odnosno obuhvatiti i aktivnosti finansirane iz drugih izvora, biti usklađen sa finansijskim planom projekta, te u skladu sa Obrascem narativnog i finansijskog izvještaja propisanim od strane Ministarstva finansija Kantona Sarajevo. U prilogu izvještaja o namjenskom utrošku sredstava, u skladu sa finansijskim izvještajem, Udruženje je dužno dostaviti jasno odvojenu i označenu po budžetskim stavkama odgovarajuću dokumentaciju (kopije odluka nadležnog organa o odobravanju isplata, kopije svih računa u iznosu sredstava dobijenih od Ministarstva, kopije naloga za plaćanje, kopije ugovora o angažmanu uz dokaze da su naručeni poslovi obavljani i sl.). Plaćanja obavljati žiralno, a gotovinska plaćanja su dozvoljena samo izuzetno kada je to neophodno zbog prirode aktivnosti i u skladu sa Zakonom o unutrašnjem platnom prometu FBiH.
7. Ministarstvo zadržava pravo da u cilju praćenja i nadzora nad utroškom budžetskih sredstava zatraži dostavu preliminarnog i/ili specifičnog izvještaja tokom realizacije ili nakon okončanja iste.
8. Nadzor nad utroškom doznačenih sredstava iz tačke 1. dispozitiva ove Odluke kontinuirano vrši Ministarstvo za boračka pitanja.

### **Obrazloženje:**

Ministarstvu za boračka pitanja Kantona Sarajevom se svojim aktom broj II-158/19 od 21.05.2019. godine obratilo Udruženje ratnih vojnih invalida paraplegičara Kantona Sarajevo sa Dopisom/inicijativom za sufinansiranje/kupovinu specijalnog vozila VW Caddy za potrebe Udruženja ratnih vojnih invalida paraplegičara Kantona Sarajevo. Predstavnici udruženja su i direktno tokom održanih sastanaka, predstavili ovaj projekat/aktivnost Ministru za boračka pitanja i Predsjedavajućem Skupštine Kantona Sarajevo, koji su izrazili spremnost za podrškom u okviru mogućnosti. Ratni vojni invalida paraplegičari i kvadriplegičari sa kategorije sa jednim od najtežih oblika invaliditeta i u velikoj mjeri ovise o pomoći drugih lica. Udruženje koje okuplja ovu populaciju (trenutno 62 člana) sa svojim aktivnostima nastoji poboljšati kvalitete života ove grupe, za što je neophodno namjensko vozilo. Udruženje posjeduje namjensko kombi vozilo koje je nabavljeno uz finansijsku pomoć Vlade Kantona Sarajevo u 2007. godini ali je isto dotrajalo i njegova dalja upotreba je upitna kako zbog funkcionalnih (sve češći kvarovi), tako i finansijskih razloga (visoki troškovi održavanja, koji premašuju 5.000 KM na godišnjem nivou). Udruženje je u 2019. godine, blagovremeno i adekvatno apliciralo na javni poziv ovog Ministarstva ali nije apliciralo ovim projektom niti su za isti odobrena sredstava.

U cilju šire podrške projektu ovog Udruženje, odnosno populaciji koju isto okuplja, Ministarstvo za boračka pitanja je prema Vladi Kantona Sarajevo uputilo odgovarajući prijedlog zaključka Vlada Kantona Sarajevo je svojim Zaključkom broj: 02-05-41151-25/19 od 21.11.2019. godine Ministarstvu za boračka pitanja dala saglasnost za realizaciji ovog projekta, odnosno sufinansiranje nabavke vozila, te preporučila Kabinetu predsjedavajućeg i zamjenika predsjedavajućeg Skupštine Kantona Sarajevo i svim ministarstvima Kantona Sarajevo da u skladu sa mogućnostima podrže kupovinu specijalnog vozila za potrebe Udruženja ratnih vojnih invalida paraplegičara Kantona Sarajevo, odnosno za potrebe prevoza najtežih ratnih vojnih invalida koje ovo udruženje okuplja i tome obavijeste Ministarstvo za boračka pitanja Kantona Sarajevo.

Ministar za rad socijalnu politiku, raseljena lica i zbjeglice Kantona Sarajevo je iznašao mogućnost da za ovu namjenu izdvoji sredstva u iznosu od 20.000 KM, a kako Ministarstvo za rad socijalnu politiku, raseljena lica i zbjeglice Kantona Sarajevo nema poziciju/mogućnost da

direktno doznači sredstva Udruženju ratnih vojnih invalida paraplegičara Kantona Sarajevo, bilo je predviđeno da se sredstva Izmjenama i dopunama Budžeta Kantona Sarajevo za 2019. godinu doznače Ministarstvu za boračka pitanja Kantona Sarajevo. Kako predložene Izmjene i dopune Budžeta Kantona Sarajevo za 2019. godinu nisu usvojene, sredstva su osigurana u okviru preraspodjele sredstava u Budžetu Kantona Sarajevo za 2019. godinu koju je svojim Zaključkom broj 02-05-44959-1.1/19 od 30.12.2019. godine donijela Vlada Kantona Sarajevo, odnosno usmjerena na budžetsku poziciju Ministarstva za boračka pitanja 614300 DAN027 "Udruženja građana - boračka udruženja finansiranje/sufinansiranje programa i projekata".

Obzirom na navedeno ministar za boračka pitanja je donio odluku o odobravanju/doznačavanju osiguranih sredstava, odnosno riješeno je kao u dispozitivu.

Udruženje je obavezno odobrena sredstva utrošiti namjenski uz pridržavanje svih važećih zakonskih popisa te dostaviti odgovarajući izvještaj.



Dostaviti:

1. Udruženje ratnih vojnih invalida paraplegičara  
Kantona Sarajevo, Grbavička br. 8a, Sarajevo
- ② Sektor za ekonomske poslove,
3. Ministarstvo za rad socijalnu politiku, raseljena lica i zbjeglice  
Kantona Sarajevo (na znanje)
4. A/a.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1



